

Hordaland fylkesbibliotek
Postboks 7900
5020 Bergen

Hordaland Fylkeskommune

8 APR 2014

Tildeling av utviklingsmidler – «Sterk, spenstig og klar»

Vi syner til søknad datert 01.10.2013 om stønad til prosjektet «Sterk, spenstig og klar». Søknaden er behandla av Nasjonalbiblioteket (NB) i samråd med Rådgjevande utval for prosjekt- og utviklingsmiddel, og NB har vedtatt å støtte dykkar prosjekt med kr.600 000,- i 2014.

Utbetaling av tilskot

Tilskotet vil bli overført så snart det *vedlagte akseptskjemaet er mottatt og vilkåra nedanfor er aksepterte.*

Frist for slik tilbakemelding er 15.mai 2014. Dersom ikkje denne fristen blir overhaldt, vil tildelinga bli trekt tilbake.

Er tilskotet vesentleg lågare enn det blei søkt om, ber vi om å få tilsendt revidert prosjektplan.


Kunnskapsoverføring

Ved presentasjonar og i rapportar skal det informerast om at prosjektet er støtta av Nasjonalbiblioteket. Prosjektrapportar kan bli publiserte på NB sine nettsider og bli brukt i anna publisering frå Nasjonalbiblioteket. Prosjekteiar *kan bli beden om* å lage ein artikkel/rapport som kan gå inn i Nasjonalbiblioteket sin skriftserie *Bibliotheca Nova*.


Det er ein føresetnad at deltakarane i prosjektet ved seinare tilhøve vil stille opp på kurs, seminar o.l. for å formidle erfaringar frå prosjektet. Standarder og kunnskap som kjem ut av prosjektet skal stillast til disposisjon for andre institusjonar.

Vi ønskjer lykke til med prosjektet!

Med venleg helsing



Roger Jøsevoll
Konst. nasjonalbibliotekar



Svein Arne Tinnesand
Stabsdirektør

Vedlegg:
Generelle vilkår
Akseptskjema

Generelle vilkår til løyvinga

Prosjektet skal gjennomførast i tråd med framstillinga og framdriftsplanen i søknaden. I samsvar med § 10.2 i Stortinget sitt reglement for løyvingar skal Nasjonalbiblioteket ha høve til å kontrollere at midlane er brukt etter føresetnaden.

Nasjonalbiblioteket vil leggje vekt på oppfølging og rapportering ved vurdering av kommande søknader.

Rapportering

Tilskotsmottakar skal opplyse Nasjonalbiblioteket skriftleg innan 1. oktober 2014 om forventa sluttdato for prosjektet.

Tilskotsmottakarar skal snarast råd, og seinast tre månader etter at prosjektet er avslutta, sende rapport til Nasjonalbiblioteket om at prosjektet er gjennomført.

Rekneskap

For tilskot over kr. 200 000 skal det saman med rapporten sendast inn rekneskap for disponeringa av tilskotet. Rekneskapet skal vere underteikna av tilskotsmottakar og vere revidert av statsautorisert eller registrert revisor. Unntatt frå dette kravet er institusjonar/organisasjonar som brukar kommunerevisjon eller anna offentleg revisjonsorgan. Det presiserast at også sistnemnde institusjonar/organisasjonar skal sende inn rekneskap underteikna av verksemdsleiinga.

For tilskot under kr. 200 000 skal det saman med rapporten sendast inn rekneskapsoversikt for disponeringa av tilskotet, underteikna av tilskotsmottakar. Det blir ikkje kravd at denne rekneskapsoversikta er stadfesta av revisor.

Blir tilskotet eller delar av tilskotet ikkje nytta til det gitte formålet, kan dei overskytande midlane bli kravd tilbakebetalt. Tilskotsmottakar plikter å gjere Nasjonalbiblioteket merksam på slike tilhøve så snart som mogleg og seinast innan 1. oktober 2014.

Dersom det i ettertid syner seg at tilskotet ikkje er blitt brukt til det gitte formålet, kan heile eller delar av tilskotet bli kravd betalt tilbake. Dersom tilskotsmottakar har motteke tilskot på bakgrunn av urette opplysningar, kan dette i særlege tilfelle bli ramma av straffelova si §§ 270-271.